

آبونه شرايطي : هر يچون
سنه لکي (۴۰۰) آلتی آيلنی
(۲۲۵) ؛ ممالك اجنيه ايجون
سنه لکي (۴۵۰) ، آلتی آيلنی
(۲۵۰) غروشدرد.

نسخه سي ۷,۵ غروشدرد .
سنه لکي ۵۲ عددرد .

اداره خانه : باب عالی جاده سنده
رشيد افندی خاندند

اخطارات

آبونه بدلی پشيندرد .

مسلكه موافق آثار مع المنونيه
قبول اولتور . درج ايدله ن
يازير احاده اولتماز .

تكملة المسالك

اداره سي سديانده آيلنيجه
غروش كوندردمليدرد .

مكتوبلرك امضاري واضح
واوقوناقلي اولسي وآبونه
صره نومروسني محتوي
بولونمسي لازمدر

ممالك اجنيه ايجون آبونه
اولانلرك آدرسليرينك
فرانسزجه يازلسي رجا اولتور .

پاره كوندردلديكي زمان نهيه
داثر اولديني بيلديرلسي
رجا اولتور

«الهیات فاکولته سی مداوملرینه ویریلکده اولان یمک متعدد تشبیهلرله
رغمه کسیدلشد. طلبه آچدر. آناتولیدن صرف تحصیل مالیه سی اکیال
ایچون هائیه سی یوردینی ترک ایدرک استانبوله کلن بزم کبی قیدر کویلی اولادی
طلبه نیک بوشرا طوطداخلنده فاکولته یه دوام ایتمه لری امکان خارجده در. (۳۴۰)
اوقاف بودجه سنک یدنجی فصلنک اون ایکنجی ماده سنده کی پارادن اعاشه سنک
تأمیننه و اوچوز کشیک بر علم و عرفان اوردوسنک داغیلما سنه دلالت
بویورما کزی استرحام ایدر. «الهیات فاکولته سی مداوملری»
اقدام رفیق سنک دیدیکی کبی بو حیزین عر فحال امید ایدر رز که
تأثیرینی کوستره جک وزواللی اولاد وطنک دوچار سفالت اولما سنه میدان
ویریلجه جکدر. هیچ شه سز بو وضعیت دوام ایدر سه الهیات فاکولته سی
تدریساته دوام ایدر مه جکدر. چونکه فاکولته طلبه سنک بر قسم مهمی
آناتولی طلبه سی اولدینی ایچون اعاشه لری تأمین ایدر مه جکدر.
بر قسمی ده نقل و نقطه نظر امتحانی حق کنیدی سندن نزع ایدیلدیکی و بوسورتله
فاکولته لر آره سنده کی مساوات اخلاص ایدیلرک دیگر فاکولته لر دن
یک دون بر موقعه طوتولدی ایچون بوقا کولته یه دوام ایتمه یه جکدر.
امام خطیب مکتبی ایسه تاریخ تأسیسندن بری طلبه یه تصدیق نامه
ویرمکه مشغولدر.

شوالده الهیات فاکولته سنک و امام خطیب مکتبنک عمر طبعی سی
اکال ایتمکده و صایلی کونلر کچیرمکده اولدینی سوبیله بیلیر.
معارف و کالتنک قرارنده اصرار ایدر جکفی هیچ ظن ایتمور.
ملت و کیلرینک تصدیقه اقتران ایدن بر بودجه ده کی معین برحق نزع
ایتمه معارف و کیلنک صلاحیتی وارمیدر؟ معارف و کیلی بوقدر اولاد
وطنک سواقا لدره بریشان بر حالده طولاشمه سندن مسئول اولما یه جقمیدر؟
پایاس مکتبلرینک آچیلما سنه مساعده ایدیلن بر کونده مملکتک احتیاجات
دینی سی تطمین ایدر جک بوکی مؤسسه لرک شو صوک قرار ایله آچ
و بریشان بر اقلیم سی رواقمیدر؟

**

معارفک آمینه می های

اقدام غزته سنک صاحبی احمد جودت یک یازیور:
«مملکت تراوته دن بری تشکیلات معارفدن چوق چکیور. چونکه سوزک
طوغری سی، کیسه نیک خاطری قالمسون؛ بزد معارف تشکیلاتی حیات عمومی یه
کوره تنظیمه مقتدر کیسه کله مشدر. بکونده یوقدر. هب نظریات ایله
اشتغال ایدیلور. معارف ایشلرینه پارمق لری صوقانلر، صفحات حیاتک کلیاً
جاهلی بولونیورلر، عملی حیات سالكری یتشدرن ملنلرک مفکوره لرینه کلیاً
بیگانه درلر. فعلاً و مشاهدۀ تدقیقات صاحبی ده دکلدر. تألف اولونورکه
بوقصورلرینی کنیدی لر ده کوره میورلر. یاباز ظنیه عن جهل ایشه قاریشورلر.
ایشته بو ملنک فیضنه مانع اولانلر، بونلدر.
کلیشی کوزل عندی و شخصی اجرا آتی بر اقوب اول امرده مملکتک
معارف سیستمی بیلنلر تنظیم ایتدیرمه ده آتی ایچون هر شبهه وجودلرینه
لزم کورینن عناصری یتشدرمه.
بزد بر معارف و کیلی خاطرندن کچن شیرلی، مثبت و منی، اجراده

§ کچنلر ده آقشام غزته سی پایاس مکتبلرینک کشادی لزومی حقنه
برباش مقاله نشر ایتشدی. بزد بعض فقره لرینی نقل ایتش، یاقینده
آچیله جکفی کنیدی سنه تبشیر ایتشدک. اوزرندن بر قاج هفته بیله کچمه دن
کشاد اولونه جکلرینه دائر آنقره دن خبرلر کله یه باشلادی. ایچون
قاباندی، ایچون آچیلور؟ خاچلرک شورادن شورایه نقلی ایله مسئله
حل ایدیلش اولیور می؟ باری سد اولونان مدرسه لرده ده یرلری
دکشدیر یله جک شیرلر وارسه موقعلری تبدیل اولونسونده اولنلرکده
کشادینه مساعده بویورولسون. مونسیه نیور دولچی تارومادن قالفه رق
بورایه قدر کلیور، پایاس مکتبلرینک کشادینی تأمین ایدیور. بزم
دیانت ایشلری رئیس ده اون بش آدم اوتده کی معارف و کالتنه قدر
زحمت ایدرک قاپانان مدرسه لرک کشادی ایچون معارف و کیلی یک افندی دن
استرحامانده بولونسه لر نه اولور؟

مدرسه لرک سدیله مملکتک معنوی جهه سی مدافعه سز قالدی.
بر چوق اجنبی مکتبلری جایر جایر مسلمان طلبه قید ایدیور.
پایاس مکتبلری ده آچیلور. بونلر مقابل بزم مدرسه لر انقاضی اولارقی
قالان اوچ بحق طلبه نیک قانوناً حق لری اولان اعاشه لری کسلیور.
فرانسه باش و کیلی «میسوزلری سلاملارم و بونلر حکومت حمایتی
وعد ایدرم» دیور. بزم معارف و کیلمزده «مدرسه لری قایمق امرینی
ویردیکم کون اک محظوظ اولدیم کوندر» دیور.

بلا قید و شرط غربی تقلید ادعاسنده بولونانلر موسیو هریونک
دینی مکتبلر حقنه کی بو حرکتی ایچون تقلید ایتمورلر؟ بر طرفدن
اجنبی مؤسسانه، پایاس مکتبلرینه؛ دیگر طرفدن کوندن کونه مدهش
صورتده جوغلان سفاهت، مؤسسانه قارشى مملکتک معنوی جهه سی
تقویه ایدر جک تشبیهانده بولونمق، یالکز قاپانان مدرسه لری آچق
دکل، هر طرفدن بونلرک بش اون مثلی ده مؤسسات دینه کشاد
ایتمک اولیای امورک اک متحتم وظیفه لیدر.

**

الهیات فاکولته سی و امام خطیب مکتبنک عمر طبعی سی

توحید تدریسات قانوننک خطا آلود تطبیقاتی نتیجه سی اوله رق
قابیلان مدرسه لرک یرینه قائم اولمق اوزره آچیلان الهیات فاکولته سی
و امام خطیب مکتبلری طلبه سنه ویریلکده اولان یمک بو آیی باشندن
اعتباراً قطع ایدیلشد. بو وضعیت قارشیدسنده یک متأثر و متهیج اولان
طلبه ریاست جمهور و باش و کالته مراجعتله اعاشه لرینک کافی السابق
اوقافک ۳۴۰ بودجه سنده کی فصل مخصوصندن تأمیننی استرحام ایتشلردر.
غزته لرده کوردیکمز مذکور استرحام نامه نیک بر صورتی عیناً درج
ایدیور:

سلمه السلام حرکت ایدیور. مملکتک رأینی آلفه زوم کورمه یور. ده مو فراسیده بوکی حرکتله اصلا و قطعا مساع یوقدر. معارف وکیلک اجتهدی کندنجه صواب اوله بیلر. فقط مملکتک حیاته تعلق ایدن خصوصات برکشی نک تقدیرینه برقیله ماز. چونکه ضرر ویا فائده وکیل وناظرک شخصه دکل، مملکتک هیئت مجموعه سته هاندر.

حکومت مسلکک حریت افکارینه اوزالندن سیرجی اولمالی. بونله اجرای نفوذ اولسون، ساده جه برمداخله ویا بروصایت اولسون جائز دکلدر. تورکیه بی روحی و فکری اسارتدن تخلص ایتلی. توزکری بو آنقدر هر مسلکده کبری برافان بو اسارت منویه در، تعبیر دیکرله وصایتدر. *

قانونیک پاپاسلرینک ضرر-منافع و شرعیه شری

آطنه ده انتشار ایدن «تورک سوزی» غزته سی یازیور:

بیرونده میسیونرل طرفندن (صدیقه و محامیه) (مباحث المجتهدین فی الخلاف بین النصاری و المسلمین) نامرله قانونیک مطبوعه سنده طبع ایدلش ایکی کتاب نشر ایدلشدر. ۳۶۰ صحیفه لک (صدیقه و محامیه) نامنده کی کتابدن اوافق بر فقره بی هیناً ترجمه ایدیور. کتابلرک مؤلفی راهب بطرس غالب اسلامله خطاباً شویله دیور:

«ای اسلام! یا بابا وده ده لکزک دینی اولان خرسیتانلغه عودت ایدیکز، یاخود صلیک شو مقدس طویراقلرینی ترکله دفع اولوب کیدیکز. اساساً کلیسا اولوب بوکون جامع اولان اسکی عبادتگاهلرینی بوشالتیکز» دیکر بر فقره سنده هیناً شوهرزه بی صاوریدیور:

«صلیبون اردولرینی تارمار ایدن یرموک» [۱] محاربه سنده صالانمش حرب قلیچلرینک آجیسی، انتقامی جنرال خورونک قلیچی «میسلون» [۲] محاربه سنده بلغاً مابلغ آلمشدر.

(مباحث المجتهدین فی الخلاف بین النصاری و المسلمین) عنوانی ایکنجی کتاب دها زهرناک تجاوزلر و تحقیرلرله دولودر. مؤلفی پاپا دیورکه:

«بوکتابه ردیه یازمحق برمسلمان تصور ایده.م. بالعکس بونی اوقویاجق اسلامله هر حالده خرسیتانلغه دونه جکدر.»

اک غریبی شودرکه بوکتابلری جیل لبنان منطقه سنده اهالی به بر سوریه لیراسنه جبراً ساتدیران فرانسه ژاندارمه لیدر.

بوکتابلرک نشری اوزرینه سوریه ده بویوک برخلیان باشلامشدر.

ارتجاع دینیه نه قصد ایدیورلرسه

بوکلگی ایکیده براستعمال ایدوب طورانلرک بوندن نه قصد ایتدکری صراحتاً آکلاشیله مایوردی. دها زیاده، موجود بر شکل سیاسی به تقدم ایدن شکل اداری به رجوع معناسنده استعمال ایدیله کی ظن ایدیلیوردی. واقعا بمضیلرینک بوکلهدن دها شمولی بر معنی قصد ایتدکری استدلال اولونیوردی. فقط مضمرلرینی لاستیکلی افاده لر

[۱] صحابه کزیندن خالد بن الولید و ابو عبیده بن الجراحک تحت قومانداننده بولونمش اولان ۳۲ بیک مجاهدین یوز بیکارجه متجاوز صلیبر اوردوسی عو ایتش ایدی.

[۲] فیصلک شامده کی موهم تاج و تختک ده ورلسنه سبب اولان شام ایله بیروت آرهنده کی میسلونه مؤلفی محاربه سیدر.

آلته کیزله دکلرندن مقصدلرینک نه اولدیفنه قطعی و واضح صورتده حکم اولونه مایوردی. اخیراً آقشام غزته سی بوکلگی غایت آجیق بر صورتده تعریف ایتش اولدیفنی ایچون شیمدی ارتجاع دن بحث ایدنلرک نه دیمک ایسته دکری پک کوزل آکلاشیلمش اولیور. توحید افکار رفیقمز آقشامک دانسلر حقنده بررینه تمامیله ضد اولان ایکی مقاله سی بان یانه قوبدیفنی ایچون حده کان آقشام، توحید افکاره هجوم ایتدیکی صروده دیورکه:

«توحید افکارک مسلکی محافظه کارلق دکل، ارتجاعدر، محافظه کاتی، هر آنیلان آدمی محافظه ایتک، سرعتله ایلری کیتمه مک، فقط هیچ کری دوئمه مکدر. حال بوکه توحید افکارک غایه سی لااقل اوج درت عصر اولکی زمانه، صدر اسلام عادات و قوانینه، شرع شریف دورینه رجوع ایتکدر، بوکا تام معناسیله (ارتجاع) دیرلر. هر شیشه کندی اسنی ویره لم که ذهنلر قاریشاسن.»

توحید افکارک مسلکی اومی، بومی، هر نه ایسه بونک ایضاحی بالطبع کندیسنه هاندر. بالکنز بزم قید ایتک ایسته دیکمز جهت، (ارتجاع) دن «صدر اسلام عادات و قوانینه، شرع شریف دورینه رجوع، مضامی قصد ایدیله کی در. شیمدی به قدر ایلک دفعه اولقی اوزره درکه بوکلله بوقدر آجیق بر صورتده تعریف ایدیلیور. دیمک که ارتجاعه قارشى سوز سوبله یئلر، صدر اسلام عادات و قوانینه، شرع شریف دورینه هجوم ایدیورلرمش. صدر اسلام عادات و قوانینه نه در؟ قرآن وحدیثدن باشقه بر شی میدر؟ بالخاصه «صدر اسلام» قیدله طوغرودن طوغرویه قرآن وحدیث قصد ایدیله کی واضحاً آکلاشیلیور. اقشام یوقاریده کی فقره سندن سوکره «محافظه کارلق جوقایی برمسکلدر. قدرینی تنزیل ایتیه لم، دیور. بونکله شونی دیمک ایسته یورکه: توحید افکار کندی مسلکی محافظه کار عد ایدیور، فقط «صدر اسلام عادات و قوانینه» طرفدارلق کوسترمله محافظه کارلنک قدرینی تنزیل ایدیور. دیمک اصل شایان تقییح اولان، «صدر اسلام عادات و قوانینه، شرع شریف» در.

بر انسان «صدر اسلام عادات و قوانینه» یعنی قرآن وحدیثه طرفدار اولقله بونلرک نظرند. بوتون مسلکک قدرینی تنزیل ایدن بر مجرمدر! مرتجعملرک حق کلامی اولمادیغه کوره صدر اسلام عادات و قوانینه، یعنی قرآن وحدیثه طرفدار اولانلرک دیلری کسلیمک ایجاب ایده جک! اوحالده آقشامجیلرک بو عملیه به بویوک ملت مجلسندن باشلاملری لازم کله جک. چونکه «دولتمزک دینی دین اسلام اولدیفنی واحکام شرعیه بی تنفیذ و اجرا ایده جکنی» قانون اساسی به اونلر یازدی. اوندن سوکره اللرنده قرآن وحدیث بولوندورانلرک جمله سنی ده مرتجع و مجرم دیبه اعلان ایتلی. بولشه ویکلر اللهی اعدامه محکوم ایتدیلر! آقشامجیلرده قرآن! و بیغمبری اعدامه محکوم ایدرلرسه آرتیق قزیل بایراغک غالبیت قطعی سی احراز ایدیلش اولور...!